

PLANTA  
Felicitatis Publicæ,  
*in*  
SANATO PEDE  
SERENISSIMI  
FRIDERICI  
AVGUSTI  
Poloniarum REGIS,  
&  
ELECTORIS Saxoniæ;  
*Ad*  
*Populorum Solatium*  
*Ab*  
Equite Polono  
ERECTA.  
*Anno Domini MDCCXXVII.*

VARSAVIÆ  
*Typis S. R. M. Scholarum Piarum.*

ATMALL

e condere passionem

EGO PEBRA TAB

PIRELLA MUSICA



Bibl Jag  
1976 St.2.217 St. Dr.



## REX SERENISSIME.



Ive Officiosa dolentium lachrymas, sive  
gestientium gaudia videoas, nihil in affe-  
ctibus nostris mediocre, moderatum nihil,  
invenies REGVM AVGVSTISSIME.  
Raptamur potius, quam ducimur à mæro-  
ris extremitate, ad voluptatis excessum; & quantum  
possint in utramq; partem humanæ Passiones, ijsdem  
oculis, eodem animo experimur. Intentatum illud in-  
tegritati nostræ magis, quam TUO Corpori; nostris  
justiis cervicibus, quam REGIO Pedi vulnus; quem  
non  
J2C

non perstrinxit? Expalluit ad feralem iustum, tanquam  
ad fata sua Polonia, & penè exanimis intè lachry-  
mas adhuc squalleret, nisi hodie à convalescentis PRIN-  
CIPIS vultu nitorem assumpssisset. Nimirum publi-  
ca Fortunæ Lechicæ expectatio, ita à spiritibus Tuis  
pendebat; ut ipsa populorum vita nihil sit aliud, quam  
Tuæ salutis felicissimus fructus, & eventus. Respice-  
res utinam totius (quâ latissimè patet) Poloniæ pal-  
lorem, suspiria, singultus, & suscepta quâdam conten-  
tione pro incolumentate PRINCIPIS vota. Et licet  
quidem invidiosa sit preteritorum luctuum ad præsen-  
tis diei Lætitiam, Collatio; ita tamen in libertate No-  
stra diligenter, ut necessitate quadam amoris, nec in pe-  
riculo TUO simulari lachrymæ; nec in prospera va-  
letudine gaudia dissimulari possunt, aut abscondi. Ad-  
mitte ergo REGUM Optime: ambitiosa subditorum TU-  
ORUM oscula ad Sacras Plantas, forsitan adhuc à la-  
chrymis Populorum madentes. Admitte hæc pauca fo-  
lia sincerissimi Voti Charactere insignita, & à crue-  
ntis Pedibus s̄aviter alludentem Poëtam non reijce, qui  
obligatò magis animò, quam Metrò, Sud & totius  
Gentis studiò precatur; ut vitam TUAM quam no-  
bis adeò caram clementia effecit; Dij velint servare  
perpetuam.



## POEMA.

### ARGUMENTUM.

INFERNALES Furie, revirescentis Poloniæ statum, sub felicissimis Serenissimi AVGUSTI auspicijs, agrè admodum ferentes, cum Fortunam Regni aliter expugnare non possent, salutem Principis variò dolorum concursu aggrediuntur: quam postquam longius crudelitate suâ exercuerint, abscessò tandem eo digitò, qui solus in Divino Principe Mortalis erat; immortalem Serenissimo AVGUSTO Vitam, Famamq; relinquentes: Novam felicitati publicæ Plantam erigunt.

Istite propenos luctus, lachrymasq; fideles,  
Tergite siccatis oculis popularia vota:  
**S**Vivit adhuc Dominus: digitò non amplius unò  
Qui nupèr rigidæ mortis distabat ab urna;  
Vivit adhuc PRINCEPS; & complanata cicatrix  
Erigit obductò felicem vulnere Plantam;

A

In-

In qua se Lechiæ poterit fundare voluptas  
Auxiliō suffulta Pedis , qui solus iniquæ  
Jure potest tandem molimina sistere fortis,  
Publica Sarmaticæ referendo fulcra Saluti.

Phæbe Pater ; teneram sic quæso nocte Pœsim  
Sic faciles animos meditatis lusibus apta ,  
**AUGUSTUM** nè lædat adhuc cæsura cruentum.  
Sed potius blandō mea Musæ soluta lepore ,  
Svavibus obsequijs vulnus mulcendo molestum ,  
Non deformē Metrū Pedibus subjunge MONARCHÆ.

Si Tibi præteritos casus , conferre modernis  
Undiq; delicijs fas est : præsenteq; risu  
Antiquos si fortè juvat pensare dolores ,  
Mutatum in melius cognosce Polonia vultum.  
Ferrea belligero momenta rigentia Marte ,  
Transfudêre dies solidos potiore metallo ,  
Pulchra redit Regno facies; & purius aurum  
Felices iterùm gemmis interserit horas.  
Nuper ubi geniti Cadmeâ messe , feroceſ  
Conflixere viri : cerealia dona maniplis  
Exundant , plenisq; natat modò campus aristis ,  
Qui nupèr tristi populorum strage tumebat.  
Non macilenta fames , tenues depascitur Vrbes  
Imperij ; verùm niveis inventa quadrigis .  
Copia luxurians , reſeratō prodiga cornū  
Pacificas effundit opes; & rore beatō  
Proſequitur vulgi requies opulenta labores.  
Nec ſibi ſola legit numerosas Lechia mæſſes,

Ho-

Hostibus ac ſocijs, pariter ſubmittit apertis  
Horrea lautitijs, & quoſ terrore peremit  
Sarmaticus plerumq; valor, ſuſtentat eosdem  
Panæ ſuō, nutritq; novas in prælia vires ,  
Cunctorum irritans ditissima gleba palatum.  
Iratis olim ſuperis ſæviflum aether,  
Evomuit pavidum, virus lethale per orbem;  
Nempè venenosæ ſic pefifer halitus auræ,  
Exeruit Cauros volitantes, ut nec ad ipſos  
Aspirare Deos ſubitâ ſinè morte liceret,  
Nunc iterùm placidus Zephyris clementibus aér  
Afflatu leviore volat, Cœliq; benigna  
Temperies, removens contagia ſœda Nothorum ,  
Alternat puris ſuſpiria candida ventis.  
Deniq; ſic diri cicurata protervia fati,  
Sic justō propensa fluunt elementa tenore ,  
Vt niſi ſcriptorum teſtetur Fama ruinam,  
Nulla ferè videas rediviuo vulnera Regno.  
Bellorum quidquid ſtrepitūs violenter abegit,  
Comiter arridens, & mille favoribus aucta  
Reſtituit Nostro rurſum Fortuna decori.

Viderat hoc Munus Patriam mulcentis Olympi ,  
Livida ſuccesſū Discordia facta ſecundō ,  
Atq; per effractum, caput extulit illud, avernum ,  
Quod propè ſexcenti ſpiris cinxere colubri ,  
Impexas lambendo comas; adsibilat anguis  
Iratæ, caudâq; latus trepidante flagellat:  
Sangvineo ſtat in ore furor, ſœdasq; ſalivæ

A 2

In-

Infecere genas, viridi fætore fluentes  
In diras & probra Deum; mox lumina Cœlo  
Invidiosa ferens, sic turpibus oscitat auris:  
Vltrices scelerum Furiæ, quas noctis opacæ  
Squallor alit; cæciq; fovet quas Curia Ditis,  
Eumenides: ferale reis mortalibus omen  
Thysiphone, belliq; dolis insignis Enyo:  
Tuq; Megæra nocens, rabidâ quæ vesceris irâ,  
Pectoris invidiam propriô paſcente dolore.  
Vosq; aliæ steriles Erebi dominantis alumnæ,  
E stygia lethale caput proferte palude,  
Et lacerate comas; siquidem quam noster acerbis  
Casibus afflixit livor, quam nostra libido  
Mille ferè facibus belli ferventis aduſſit,  
Floret adhuc, vernalq; suis pulcherrimâ donis,  
Et veluti nostro vitium factura furori  
Tot lacerata malis, & tot jactata procellis  
Lechia; securæ Pacis requiescit in vlnis.  
Nescio quod Numen tacitis conatibus obſtat,  
Nec ſinit extremis tumulari Regna favillis.  
Sed quid in invitos etiam mea crima Divos  
Conijcio: non cura Jovis, cœliq; favores.  
Auxiliô propiore juvant; non Martis amici  
Ferreus Vmbo tegit: ſed dextra potentior omni  
Influxu, ſuperofsq; etiam vincentia duros  
Brachia, Regnantis ſibi ſubdita ſceptra tuentur.  
AVGVSTI ſunt iſta reor documenta lacerti,  
Quòd cum ſæva ſtrepan vicinis classica terris,

Paci-

Pacifico Lechiam demulcent Otia ſomnō,  
Hâc populos moderante manū, quæ ſola refellit  
Quidquid ab adverſo jaciat vibretq; Gradiuſ.  
Dormit in AVGVSTI, veluti ſub grandibus alis  
Spes ſecura ſinu, nec tandem curat Avernâ  
Quid poſſint rigidæ meditari ſede Sorores.  
Illô Sarmaticam DOMINO geſtante Coronam,  
Quem Primum fecere Dij, Fortuna Secundum  
Reddidit obſequijs ad Regia jufla paratis.  
Nullum robur habent, nullum diſcrimina, virus,  
Scilicet ingenium Dominantis mite, ſequendo,  
Depoſuere ſuum ſæviffima Fata rigorem.  
Ergo quid infauto, miſeræ residemus in orco  
Eumenides, vanasq; domi conſumi muſ iras.  
Dum rabies noſtro ſupereft vefana furori,  
Principis eſt tentanda ſalus; Regisq; per iectum,  
Vulnera Sarmatiæ ſunt infligenda dolenti.  
Sicut enim Sylvas deuaſtatura ſecuris,  
Postquam proceras ad cædem legerit ornos,  
Non diſtenta ſecat numeroſis brachia ramis,  
Singula nec ſpoliat folijs virgulta caducis;  
Aſt intercisâ truncum radice revellens,  
Languentem ſenſim reſonans ferit Aſcia plantam,  
Attoniti grandem nemoris faciendo ruinam;  
Sic etiam nobis non per vulgaria Fata  
Grassandum, verum Regalis Planta petenda eſt.  
Cujus ab influxu florentia Regna repente,  
Arefcent; perdetq; ſuum Gens tota vigorem.

B

Aut

SuAyteluti quondam Furiarum percitus æstrô,  
Intè spumantis crudelia pocula tabi,  
Civilis belli gustum facturus, amicis  
Ipse propinabat patherâ fumante cruentem,  
Quô nimium madidus Catilina vovebat, ut unum  
Romulidûm protunc gereret Respublica collum,  
Possit ut unius gladij mucrone resolvi:  
Sic nobis hodiè similem spirantibus ausum,  
Jàm votum hoc implere licet; nàm Principis intrà  
Augustum pectus, Regni fortuna locata,  
Cum Domino pariter fatis perimetur ijsdem.  
Et veluti sors ipsa foret concreta Monarchæ,  
Delicias, pacisq; decus, florentis honorem  
Sarmatiæ, tandem cum una cervice metemus:  
Dixit; & instinctus rem perfectura maligni,  
Implevit reliquas simili livore sorores.

Est locus arcano perquam funestus in orco,  
Atria protendens nigri Plutonis ad aulam,  
Nox ubi perpetuis radios exosa tenebris,  
Infinita tenet mortalis toxica vitæ;  
Illic dira lues corrosis putrida membris,  
Corpora dilanians, per apertum pascitur vlcus,  
Illic occulto lentissima febris in igne,  
Humorem sensim succi vegetantis adurit.  
Hic lethargus iners, torpore pigerrimus altô  
Dormit, & inviae conjungit somnia morti:  
Illâ parte jacet rugis concisa senectus  
Et lucis pertæsa suæ; quam frigida tussis

Exer-

Exercet, quatiendo latus miserabile, motu.  
Indè sedet macies, pallor, vertigo, Teneimus,  
Lenta pthisis, vitioq; simul repletus aquosô stum.  
quallet hydrops, illinc gemitus, Timor, atq; mole-  
Continuò siccis pulmonibus asthma laborat.  
Deniq; morborum reliquæ sinè nomine larvæ  
Ex illo plerumq; specu prodire videntur.  
Hæ veluti tristes Erebi Ditisq; ministræ,  
Traiciunt umbras per stagna Charontis, ad orcum;  
Quas Libythina ferox supremâ nocte resolvit.  
Ut stetit antè fores furibunda Medusa patentes  
Carceris illius, socias conclamat, & hydris  
Vrget, ut emissæ sœvâ regione catervæ,  
Agnatum pridèm furijs spargendo venenum,  
Principis inficiant corpus; quod mole jacentis  
Imperij fractum, curis Regalibus ægram  
Iaxabat mentem; propriôq; perinde dolori  
Fecerat illicium, quædam patientia. Quarè  
Mille labrantem circumstant fata salutem,  
Collatâq; simul rabie, certare laborant  
Innumeræ Pestes, cui protunc jure nocendi  
Conveniat potius tam magnæ gloria cœdis.  
Quælibet ostentat validas in vulnera vires,  
Et faciles ad cuncta manus; sic mortibus ipsis  
Ambitio quædam est, Domini præscindere filum,  
Vt niteat rapto lethalis pallor ab ostro.  
Lurida custodit morborum turba cubile,  
Inquiritq; dolor, quâ possit parte latentem

B 2

Prin

Principis afflicti citius ducere vitam.  
Imprimis tentatus apex est verticis; in quo  
Consilij semper Sacraria pura vigentis,  
Constituit quædam Divinæ mentis imago.  
Sed desperatō mors langvida protinus ictū  
Non potuit tetigisse Caput, quod jām altius omni  
Porrectum fato, Regni fortuna levavit.  
Vndē suas urgendo minas, mox vultibus illis  
Insidiata fuit, quibus est expressa severi  
Forma supercilij, sic justō ducta colore,  
Ut placido præfens Majestas mista lepori  
Temperiem quandam moderato pingat in ore.  
Clementes oculi, faciles poscentibus aures,  
Quales esse Dijs, veterum commenta loqvuntur:  
Sed nec in hos potuit virus reperire decores,  
Conficiens sensim pulcherrima quæq; senectus.  
Ergò pectus adit, longis insigne trophæis  
Et robur validō toties Mavōrte probatum,  
Explorando fibras, quas nemo fortius unquam  
Rege meo, belli per prælia dura tetendit:  
Tam grandes meritō timuit mors ipsa lacertos.  
Extremumq; genu veluti pudibunda requirit,  
Vulneribus poscendo locum; sibi sed nec in istis  
Invenit delusa scopum, vindicta columnis.  
Altior humanis siquidem mens illa periclis,  
Communis pridēm, posuit discrimina fortis.  
Sensit ubi Lachesis talem lassata laborem,  
Non nihil ambiguo voto dubitavit, & inquit:

Vidimus ablutum stygiæ torrentibus undæ  
Infantem, quem fama vetus cantabat Achillem,  
Cujus ab insolito venientia membra lavacro  
Nullum senserunt medicati corporis ictum,  
Et tamen indulgens aliquid natura reliquit,  
Vndē suum posset mors instillare venenum.  
Perditus est Plantā, toto tutissimus Heros  
Pectore; pugnantemq; virum pars una fefellit.  
Tentabo: faciamq; novum resoluta periclūm  
Ipsa ego Regnantis pedibus subiecta rogabo,  
Ut velit humanum vulnus patiendo fateri,  
Qui reliquō præfert manifestos corpore Divos.  
Dixerat, atq; suam (quam tunc fortassè gerebat)  
Excussit furibunda facem, scintilla repente  
Vna cadit, casūq; pedem delapsa subiunum,  
Membra tumescenti perimit vitiata calore.  
Gliscit in internis lethalis flamma medullis,  
Quam cùm febris atrox nocituro spargeret æstū,  
Exultat Libithyna ferox, noviterq; repertis,  
Vulneribus, se se mortalia Funera pascunt.  
Vicistis, tandem furiæ, non desidis orci!  
Vicistis! sed Vesta minor victoria: quippè  
Tot meditata dolis, tantō concepta paratu,  
Vix Domini tenuem rabies pertingit ad ungvem;  
Vreris invidiâ gravius, quam vulnere PRINCEPS  
Thesiphone; Magnoq; rubes confusa crux.  
Qui facer ignis erat, dicendus jure profanus  
Ille venit, postquam liventis in ulcera Regni  
Exitio, Lechicum voluit temerare serenum.  
Interea tacitos nè serperet ardor in artus,

Dividit infectas incisio lubrica venas.

O opus! o factum nimium crudele! tot ante  
Bellis intactum Medico permittere corpus;  
Id tamen & votum populi pietasq; requirit,  
Svadet & orbandi quædam compassio Regni.  
Ergo cruentatæ posituri signa saluti,  
Ducite felices plagas, hoc pendet ab iectu  
Imperi vitæq; lucrum prænobile. Mirum est,  
Vix acies chalybis facinus ferale peregit,  
Spes animis sœcunda redit, redit ipse Polonis  
Regnator; parvâq; neci mercede solutâ,  
Delicijs fœse nostris totissimus offert. Censem  
REX AVGSTE, quidem Tibi non commotus ad  
Chirurgi tunc vultus erat, sed colla tremebant  
Lechiadum; nostris veluti cervicibus iectus  
Instaret: faciles Domini qui sciderat artus.  
Expavit Gens tota suum cum Rege dolorem  
Atq; Tuo fortassis adhuc in Vulnera PRINCEPS,  
Speq; metuq; simùl populorum gaudia pallent.  
Sangvineus FRIDERICE quidem Tibi defluit humor  
Sed nobis veluti quodam torrente redundat  
Tempestas; tenues quæ distillata per imbræ,  
Elicit insolitos luctus, & saucia tecum  
A lachrymis pupilla madet, planctuq; fideli  
Singultus populi, laceratos abluit artus.  
O! si vidissem tubei dispendia roris!  
Forsitan attonito tunc exclamare liceret:  
Siste cruentatum tandem manus improba punctum;  
Muricis hic cruor est: Tyrium qui tingere vellus,  
Et posset Patriæ meliorem ferre colorem.

Sed

Sed tamen ulterius nolo pia tela morari,  
Scindite Chirurgi fortissima membra Monarchæ.  
Et siquidem studiô mors est sic dura protervô,  
Ut velit AVGVSTI partem retinere dolentis,  
Permitto: spolium digitæ gerat illa recisi  
Nobis obveniat reliqui clementia vultus.  
Vivat & in nostram Majestas integra sortem,  
Sufficiet frons illa meæ servata voluptæ.  
Sicut enim evulsô non creditur ungve valorem  
Amisisse Leo, nec tardior ille volatus  
Est Aquilæ, cui pluma levi detonsa lacerto  
Æthereos inter cursus defluxit ab alis;  
Sic etiam FRIDERICE Tibi non obstat acerba  
Plaga pedis; nunquam rapient hæc vulnera robur,  
Nullaq; Regnantem faciet cæsura minorem.  
Sis licet afflito mutilatus corpore; verum,  
Magnus adhuc remanes, ac integer, atq; cruentâ  
Victurus calcare potes discrimina plantâ.

Livida cumq; nihil Mors Majestatis in iectu  
Proficeret, fidum voluit tentare Flemingum.  
REX gemit, atq; suô tulit ægrius ille dolore,  
Quod sibi gestorum tantâ virtute probatum  
Sors inimica Virum tetigisset: nuper adactum  
Qui potuit digitæ sinè murmure cernere vulnus,  
Consilij doluit venerabile perdere membrum;  
Carius appretians proprijs benefacta medullis.  
Vidit: & ingentem Lachesis testata stuporem,  
Dum simul alterius fatô moreretur uterq;  
Reddidit antiquam Domino Servoq; salutem.  
Hæc sunt prima Tuæ vestigia fortia vitæ,

C 2

O

O AUGUSTE Pater; qui non contentus amicæ  
Lucis eras fructū, nisi mitia (credo) vicissim  
Munus idem stabili tribuissent fata Ministro,  
Et sic, quas nuper tecum trux fama pergit  
Spes pariterq; animas redimis vivendo Tuorum.  
Ulterius rapidæ ne me impetus auferat auræ,  
Sistimur, ad Plantæ tutissima fulcra cruentæ;  
Atq; cicatricem per basia mille fovendo,  
Hoc placet avulsos appendere carmen, ad artus:

Hic digitus pro Rege jacet, pro corpore membrum,  
Attamen immensum replet pars ista sepulchrum,  
Scilicet AUGUSTO nihil est in Principe parvum.  
Magna nimis pars hæc, quæ pelle recisa dolente,  
Vulneribus proprijs, funus tam grande redemit.  
Vivit, & est magno pariter defuncta periclo  
Majestas, quæ triste neci solvendo tributum,  
Salvavit se cæde sua; funusq; peregit  
Parte sui; posthac jam non moritura potestas.

Ponimus ista Tuo PRINCEPS monumenta dolori  
Optamusq; simul votis communibus omnes;  
Ut nunquam Lachesis, pedibus calcata resurgat.  
Et siquidem extremò mors sparsit ab ungve venenum  
Nunquam, vel certè serò, speratur ad ipsum  
Peruentura caput, quod tām sublimis origo,  
Funeris humani super omnes extulit ictus,  
Quando Divino facies vicina nitori,  
Nil habet in totâ quod sit ferale figurâ.  
Innumeros dispone dies, vitæq; manentis  
Sume voluptatem, & mortali parte recisâ,  
**SEMIIDEVS** tandem Rex vive perennibus annis.



Bibl Jag